

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ
ՄԱՏՈՒՑՄԱՆ ԳՆՄԱՆ ՊԱՅՄԱՆԱԳԻՐ
N «ՍԱԾ ՄԱԾՁԲ-19/11»**

ք. Երևան

«28» 06 2019թ.

Սոցիալական ապահովության ծառայությունը, ի դեմս Ծառայության գլխավոր քարտուղար Վ. Բաբաջանյանի, որը գործում է Ծառայության կանոնադրության հիման վրա (այսուհետ՝ Պատվիրատու), մի կողմից, և «Կրտսեր Ալեքսանյան և որդիներ» ՍՊԸ-ն, ի դեմս տնօրեն Գ. Ալոքսանյանի, որը գործում է Ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ծրագրային ապահովման սպասարկման ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:



2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1 Սույն պայմանագրով Կատարողի մատուցման ենթակա ծառայության ընդհանուր գինը կազմում է 40000000 (քառասուն միլիոն) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (\$ՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը: Սույն Պայմանագրով նախատեսված պայմանները կիրառվում են Կողմերի միջև 2019 թվականի հունվարի 1-ից փաստացի ծագած հարաբերությունների նկատմամբ:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագրի կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է _____ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՅՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

Սոցիալական ապահովության ծառայություն

ՀՎՀՀ 02505511

ՀՀ ՖՆ աշխատակազմի գործառնական վարչություն

Հ/Ը 900011556652

(ստորագրություն)



Կ Ա Տ Ա Ր Ո Ղ

Կրտսեր Ալեքսանյան և որդիներ ՍՊԸ

ՀՎՀՀ 02236157

ՀԷԲ Շենգավիթի մասնաճյուղ

Հ/Ը 163018219838



ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ*

ՀՀ դրամ

		Ծառայության				Մատուցման	
h/h	Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Տեխնիկական բնութագիրը	Չափման միավորը	Ընդհանուր գինը /ՀՀ դրամ/	Ընդհանուր քանակը	Հասցեն	Ժամկետը
1	72261160-10	<p>Նախաբան</p> <p>Սույն տեխնիկական բնութագրով նախատեսված ծառայությունների սպասարկումը իրականացվելու է ՀՀ աշխատանքի և սոցիալական հարցերի նախարարության (այսուհետ՝ Նախարարություն) սոցիալական ասիտովության ծառայության (այսուհետ՝ Ծառայություն) 2019 թվականի պետական բյուջեով նախատեսված ֆինանսական միջոցների շրջանակներում:</p> <p>Նախագծի շահառու կողմ է հանդիսանում Ծառայությունը, որը պետք է իրականացնի ՀՀ կենսաթոշակատուների հաշվառման միասնական տեղեկատվական համակարգի (այսուհետ՝ «Էլ.կենսաթոշակ») համակարգ) և նրա ենթահամակարգերի, ինչպես նաև Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման տեղեկատվական համակարգի հետագա արտադրական շահագործումն ու սպասարկումը:</p> <p>Նախատեսվում է նաև Արցախի Հանրապետության Պաշտպանության բանակի (այսուհետ՝ Արցախի ՊԲ) տեղեկատվական համակարգի տեղեկատվությունը ներառել (ներբեռնել) Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգ:</p> <p>Անհրաժեշտությունը</p> <p>Ներկայումս</p> <ol style="list-style-type: none"> «Էլ.կենսաթոշակ» համակարգն իր ենթահամակարգերով շահագործվում է Ծառայության աջակցող մասնագիտական կառուցվածքային ստորաբաժանումներում, 51 հիմնական մասնագիտական կառուցվածքային ստորաբաժանումներում (այսուհետ՝ տարածքային ստորաբաժանումներ), իսկ 01.01.2018 թվականից սկսած նաև հետևյալ մարմիններում՝ ՀՀ պաշտպանության նախարարություն, ՀՀ ոստիկանություն, ՀՀ ազգային անվտանգության ծառայություն, ՀՀ արտակարգ իրավիճակների նախարարության փրկարար ծառայություն, ՀՀ արդարադատության նախարարության քրեակատարողական վարչություն և ՀՀ նախարարության նախարարության կենսաթոշակատուների կատարման ծառայություն (այսուհետ՝ Համապատասխան մարմիններ): Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգի և Արցախի ՊԲ 	դրամ	40000000	1	Բ.Երևան, Նալբանդյան 13	Պայմանագրի ուժի մեջ մտնելու օրվանից մինչև՝ 15.12.2019թ

	<p>տեղեկատվական համակարգի ապահովումն ապահովում է Արցախի Հանրապետության օրենքների և կառավարության որոշումների համաձայն և նշված համակարգերում ընդգրկված են բոլոր այն ծրագրային լուծումները, որոնք առկա են «Էլ-կենսաթոշակ» համակարգում:</p> <p>«Էլ-կենսաթոշակ» համակարգը կենտրոնացված, մեկ ընդհանրական տեղեկատվական շտեմարանի վրա հիմնված համակարգ է, որն իրականացնում է ՀՀ գործող բոլոր կենսաթոշակների, պետական նպաստների, պատվոճարի, պարգևավճարների, դրամական օգնության և Ծառայության կողմից վճարվող գումարների այլ վճարատեսակների նշանակում, վերահաշվարկ, իրավունքի դադարեցում և վերականգնում, վճարումների դադարեցում և վերականգնում, վճարման ցուցակների կազմում (ձևավորում), տպագրում և գումարների հատկացման հետ կապված ողջ գործընթացի կառավարում, ինչպես նաև կատարված վճարումների և փոխադարձ ակտերի հաշվառում, գրանցում և այլն:</p> <p>Պետական նպաստը պետական բյուջեի միջոցներից պարբերաբար կամ միանվագ տրամադրվող դրամական օգնություն է, որի տրամադրման նպատակն է՝ անապահով ընտանիքների կենսամակարդակի բարձրացման օժանդակելը կամ դրա վատթարացումը կանխելը, ընտանիքի կամ քաղաքացու որոշակի ծախսերի մասնակի հատուցումը, ժողովրդագրական իրավիճակի բարելավումը և սոցիալական ապահովության իրավունքի իրականացումը:</p> <p>Պետական նպաստները վճարվում են սոցիալական բնագավառում ՀՀ կառավարության լիազորված պետական կառավարման մարմնի հետ պետական նպաստների վճարման ծառայությունների մատուցման պայմանագրի կնքած և (կամ) ՀՀ կառավարության լիազորված այլ կազմակերպությունների միջոցով:</p> <p>Հաշվի առնելով, որ «Երեխայի ծննդյան միանվագ նպաստի չափը սահմանելու, Երեխայի ծննդյան միանվագ նպաստ նշանակելու և վճարելու կարգը հաստատելու մասին» ՀՀ կառավարության որոշման համաձայն 2014 թվականի հունվարի 1-ին և դրանից հետո ձևված երեխայի ծննդյան միանվագ նպաստը նշանակում և վճարում է Ծառայությունը՝ իր տարածքային ստորաբաժանումների միջոցով, ինչպես նաև այն հանգամանքը, որ 2016 թվականի հունվարի 1-ից ուժի մեջ է մտել «Չաշխատող անձին նայության նպաստ նշանակելու և վճարելու կարգը հաստատելու մասին» ՀՀ կառավարության որոշումը և ապահովելով «Պետական նպաստների մասին» ՀՀ օրենքի 27-րդ և 28-րդ հոդվածներով նախատեսված գործառնությունների իրականացումը և ակտումատացումը նշակվել, ներդրել և շահագործվում են՝ «Երեխաների ծննդյան միանվագ նպաստ», «Մայրության նպաստ» և «Ինձանքի նպաստ» տեղեկատվական ենթահամակարգերի մշակումն իրականացվել է հաշվի առնելով նրանց ինտեգրիությունը գործող «Էլ-կենսաթոշակ» համակարգին:</p> <p>Հարկ է նշել, որ «Երեխաների ծննդյան միանվագ նպաստ», «Մայրության նպաստ» և «Ինձանքի նպաստ» տեղեկատվական ենթահամակարգերի մշակումն իրականացվել է հաշվի առնելով նրանց ինտեգրիությունը գործող «Էլ-կենսաթոշակ» համակարգին:</p> <p>Կենսաթոշակի կամ ՀՀ կառավարության 2011 թվականի մայիսի 5-ի N 668-Ն որոշմամբ սահմանված պարգևավճարի նշանակման, կենսաթոշակի կամ պարգևավճար ստանալու իրավունքի վերականգնման, վճարման վերսկսման դիմումները (բացառությամբ զինվորական կենսաթոշակը վերահաշվարկելու վերաբերյալ դիմումների, որոնք ՀՀ կառավարության 2017 թվականի հոկտեմբերի 23-ի N 1328-Ն որոշման համաձայն՝ ներկայացվելու են համապատասխան մարմնի կենսաթոշակ նշանակող ստորաբաժանում և նշակվելու են տվյալ մարմնի կողմից) կարող են ներկայացվել նաև Ծառայության ցանկացած տարածքային ստորաբաժանում՝ անկախ այն հանգամանքից, թե՛ որ Համապատասխան</p>
--	--

մարմնի գինձառայող է համարվել դիմումատու կամ որտեղ է գտնվում նրա կենսաթոշակի կամ պարգևավճարի գործը:

Ծառայության տարածքային ստորաբաժանումների կողմից ընդունված դիմումները մշակվում են Համապատասխան մարմնի կենսաթոշակ նշանակող ստորաբաժանում կողմից: Նշված դիմումներն ընդունելիս դիմումի համապատասխան դաշտում նշվում (ընտրվում է) տվյալ մարմնի կենսաթոշակ նշանակող ստորաբաժանումն անվանումը՝ «Էլ.կենսաթոշակ» համակարգի միջոցով, ինքնաշխատ եղանակով դիմումի մշակման հետագա ընթացքն ապահովելու համար:

Այսուհետ, այս փաստաթղթում «Համակարգ» անվանելով կհասկանանք ՀՀ «Էլ.կենսաթոշակ» համակարգն իր ենթահամակարգերով և Արցախի Հանրապետության աշխատանքի, սոցիալական հարցերի և վերաբնակեցման նախարարության կենսաթոշակատուների հաշվառման միասնական տեղեկատվական համակարգը:

Համակարգը իրականացնում է՝

- օրենսդրության միասնական կիրառման ապահովումը.
- քաղաքացիների իրավունքների ապահովումը.
- գերատեսչությունների փոխգործելիության ապահովումը.
- տեղեկատվության փոխանակման ապահովումը.
- միասնական տեղեկատվական Համակարգի ու շտեմարանի ստեղծումը և վարումը.
- ներկայացված և մուտքագրված փաստաթղթերի հիման վրա էլեկտրոնային գործի ստեղծումը.
- ներկայացված բնօրինակ փաստաթղթերի տեսաներածման, պահպանման և էլեկտրոնային գործին կցելու ապահովումը.
- վերահսկողական համապատասխան իրավասություններ ունեցող պատասխանատուների կողմից կենսաթոշակի գործի հետ կատարված յուրաքանչյուր գործարքի կապակցությամբ իրականացված որոշումների հաստատումը կամ մերժումը.
- կենսաթոշակների և պետական նպաստների և այլ վճարատեսակների նշանակումը, վերահաշվարկը, իրավունքի դադարեցումը և վերականգնումը, վճարումների դադարեցումը և վերսկսումը.
- գինձառայողներին (նրանց հավասարեցված անձանց) և նրանց ընտանիքների անդամներին կենսաթոշակ և պարգևավճար նշանակելու (վերահաշվարկելու) և վճարումն ապահովելու՝ վճարման ցուցակները վճարող կազմակերպություններին տրամադրելու համար համապատասխան գործառույթներ.
- երեխայի ծննդյան միանվագ նպաստ, մայրության նպաստ, մինչև երկու տարեկան երախայի խնամքի նպաստ նշանակելու և վճարելու կամ մերժելու որոշումներ կայացնելու գործընթացի ավտոմատացումը, այդ որոշումների տեղեկատվական ապահովումը.
- դիմումով ներկայացված և մուտքագրված տվյալների առցանց օգտագործումը.
- շահագործողների հստակ սահմանված դերերով աշխատանքի ապահովումը՝ ըստ իրենց տրամադրված իրավասությունների շրջանակի.
- վճարման ցուցակների կազմումը, ձևավորումը, ֆայլերի ստացումը, տպագրումը և գումարների հատկացման հետ կապված ողջ գործընթացի կատարվարումը.

	<ul style="list-style-type: none"> կատարված վճարումների և փոխարարած ակտերի հաշվառումը, գրանցումը և պահպանումը. տարաբնույթ հաշվետվությունների, տեղեկանքների կամ վիճակագրական տվյալների ստացումը, ձևավորումը և ապագումը. տվյալների որոնումը, խմբավորումը և ֆիլտրումը: <p>Նոր օրենքների, օրենսդրական ակտերի և ՀՀ կառավարության որոշումների ի հայտ գալու պարագայում ատկա Համակարգի հիմնական տարբերակում պետք է իրականացնել համապատասխան փոփոխություններ՝ ըստ Ծառայության կողմից սահմանված ժամկետների:</p> <p>Նպատակը</p> <p>Սույն տեխնիկական բնութագրի շրջանակներում նախատեսվում է ապահովել ատկա Համակարգի հիմնական տարբերակի արտադրական շահագործման ընթացքում ի հայտ եկած խնդիրների լուծման և Համակարգի հիմնական տարբերակի սպասարկման համար անհրաժեշտ ծրագրային ապահովման աշխատանքներ:</p> <p>Համակարգի սպասարկման աշխատանքներին ներկայացվող հիմնական պահանջները</p> <p>Սպասարկվան ծառայություն մատուցող ընկերությունը (այսուհետ՝ Կատարող) Համակարգի սպասարկման աշխատանքները պետք է իրականացնի կապի կենտրոնական համակարգի՝ Readmine-ի միջոցով, որը հնարավորություն է ընձեռում ինքնաշխատ եղանակով հաշվարկված ի հայտ եկած ծրագրային խնդիրները. Համակարգի չնախատեսված անհրաժեշտ փոփոխությունները և հիմնական տարբերակների սպասարկման համար նախատեսվող աշխատանքները փոխանցել (ուղարկել) Կատարողի կողմից տրամադրված էլեկտրոնային փոստի հասցեով՝ հաշվարկված աշխատանքի կատարումն ապահովելու նպատակով:</p> <p>Կատարողը Համակարգի սպասարկման աշխատանքները համակարգելու և իրականացնելու նպատակով պետք է հատկացնի ներկայացուցիչ սպասարկման համակարգող գրավոր տրամադրելով Ծառայությանը նրա անունը, ազգանունը, հայրանունը, էլեկտրոնային փոստի հասցեն և հեռախոսահամարը:</p> <p>Սպասարկվան համակարգողը պետք է՝</p> <ul style="list-style-type: none"> Համակարգի շահագործման ընթացքում առաջացած տեխնիկական հարցերի վերաբերյալ տրամադրի խորհրդատվություն (հեռախոսի կամ էլեկտրոնային փոստի միջոցով). Իրականացնի Համակարգի շահագործման ընթացքում առաջացած և համակարգի «Հետարարձ կապ» բաժնի միջոցով ուղարկված տեխնիկական խնդիրների լուծում. Իրականացնի այլ աշխատանքներ կապված համակարգի անխափան աշխատանքի ապահովման հետ: <p>Աշխատանքների ներկայացում</p> <p>Ծառայության համապատասխան վարչությունը ի հայտ եկած խնդիրների, համակարգում չնախատեսված անհրաժեշտ փոփոխությունների և ատկա Համակարգի հիմնական տարբերակի սպասարկման համար նախատեսվող աշխատանքները հաշվառում է Readmine համակարգում, որը հնարավորություն է ընձեռում ինքնաշխատ եղանակով այն փոխանցել (ուղարկել) Կատարողի կողմից տրամադրված էլեկտրոնային փոստի հասցեով՝ հաշվարկված աշխատանքի կատարումն ապահովելու նպատակով:</p>	

	<p>Աշխատանքների իրականացում</p> <ol style="list-style-type: none"> 1. Տեղեկատվության պահպանման անվտանգության և գաղտնիության սկզբունքների ապահովում: 2. Այլ գերատեսչություններից և սոցիալական ոլորտում առկա տեղեկատվական շտեմարաններից ստացված տվյալների հասանելիության ապահովում Համակարգ: 3. ՀՀ կառավարության 713-Ն որոշման համաձայն բնակչության պետական ռեգիստրում հաշվառված քաղաքացիների և նրանց հաշվառման հասցեների մասին տվյալների ստացում, տվյալների օգտագործման համար ծրագրային միջոցի մշակում և ինտեգրում Համակարգ: 4. Առցանց երանակով տվյալների ստացման և մշակման ապահովում: 5. Մանկատների, ծերանոցների, հաշմանդամների տեղեկատվական տվյալների տրամադրման ծրագրային գործիքի մշակում և ինտեգրում Համակարգ: 6. Այլ տեղեկատվական շտեմարաններից (բնակչության պետական ռեգիստրից, ՀՀ ԿԱ ՊԵԿ-ից, սոցիալական այլ տեղեկատվական շտեմարաններից) ստացված տվյալների կիրարկման ապահովում: 7. Համակարգի շահառուների սպասարկման արդյունավետության բարձրացմանն ուղղված միջոցառումների իրականացման համար անհրաժեշտ ծրագրային միջոցների կիրարկման ապահովում, մասնավորապես՝ <ol style="list-style-type: none"> a. Քաղաքացիների կողմից ներկայացված դիմումների և կից ներկայացված փաստաթղթերի հաշվառման ապահովում Ծառայության տարածքային ստորաբաժանումներում անկախ քաղաքացու հաշվառման հասցեից, դիմումատուին պատասխանի տրամադրում անկախ հաշվառման հասցեից, b. Երեխայի ծննդյան միանվագ և մինչև երկու տարեկան երեխայի խնամքի նպաստի նշանակման դիմումի ընդունում առցանց ռեժիմով, նշանակում և վճարման կազմակերպում, դիմումատուին դիմումի ընթացքի հետ կապված հարողագրությունների ուղարկում, c. կենսաթոշակատուի մահվան նպաստի նշանակում և վճարման կազմակերպում: 8. Նոր օրենքների, օրենսդրական ակտերի և ՀՀ կառավարության որոշումների ի հայտ գալու պարագայում առկա Համակարգի հիմնական տարբերակի համապատասխան փոփոխություններ: 9. Կենսաթոշակների նշանակման, հաշվարկման և վերահաշվարկման ավտոմատ ապահովում, ՀՀ օրենսդրական և ենթօրենսդրական ակտերին համապատասխան, մասնավորապես՝ <ol style="list-style-type: none"> a. Երեխաների ծննդյան նպաստի նշանակման ինքնաշխատ համակարգի աշխատանքի ապահովում, b. Չաշխատող մայրերին տրամադրվող նպաստի նշանակման ինքնաշխատ համակարգի աշխատանքի ապահովում, c. Խնամքի արձակուրդում գտնվող մայրերին տրամադրվող երեխայի խնամքի նպաստի նշանակման ինքնաշխատ համակարգի աշխատանքի ապահովում: 10. Նշանակված կենսաթոշակների և նպաստների իրավունքի դադարեցման և վերականգնման կիրարկման ապահովում համաձայն ՀՀ օրենսդրական և 	

	<p>ենթաօրենսդրական ակտերին համապատասխան:</p> <p>11. Նշանակված կենսաթոշակների և նպաստների վճարման ընթացքի ապահովում, ըստ վճարող գործակալությունների և վճարման եղանակների, մասնավորապես՝</p> <ol style="list-style-type: none"> «Հայփոստի միջոցով «Կանխիկ» տեսակով վճարման ապահովման համար վճարման ցուցակների ստացման ապահովում, Հայփոստի վճարման ընթացքի վերահսկողության բարձրացման համար վճարման ցուցակների էլեկտրոնային տվյալների ձևավորում և տրամադրում, Բանկային համակարգի միջոցով «Անկանխիկ» տեսակով վճարման համար էլեկտրոնային տվյալների ստացում և տրամադրում, ըստ վճարող գործակալությունների վճարման ընթացքի մասին տվյալների (ռեեստրների) հաշվառում տվյալների շտեմարան: <p>12. Նոր որոշումների ընդունման համար նախնական վերահաշվարկների կատարման ապահովում:</p> <p>13. Սոցիալական այլ տեղեկատվական շտեմարաններին կենսաթոշակների մասին անհրաժեշտ տվյալների տրամադրման ապահովում:</p> <p>14. Համակարգի հիմնական տարբերակի ընթացքի ապաստարկում, շահագործման ընթացքում ի հայտ եկած խնդիրների լուծում, խորհրդատվության տրամադրում, ինչպես նաև Ծառայության կողմից առաջարկված անհրաժեշտ աշխատանքների իրականացում՝ համաձայն Readmine համակարգում հաշվառված ժամկետների և առաջնահերթությունների:</p> <p>15. Համակարգի աշխատանքի ընթացքում առաջացող ծրագրային թերությունների և բացթողումների շտկում: Թերությունները և բացթողումները տարանջատվում են երկու տեսակի՝ անհետաձգելի շտկում պահանջող թերություններ և Համակարգի աշխատանքի տրամաբանական սխալների շտկման հետ կապված թերություններ,</p> <ol style="list-style-type: none"> Անհետաձգելի շտկում պահանջող թերությունները պետք է շտկվեն շուրջօրյա ռեժիմով (24 ժամ /7 օր), Անհետաձգելի շտկում պահանջող թերությունների ի հայտ գալու պարագայում Համակարգի ապաստարկումը պետք է իրականացվի նաև ոչ աշխատանքային և տոնական օրերին: <p>16. Համակարգի տվյալների շտեմարանների և ծրագրային ֆայլերի պահուստային պատճենների ստեղծում (օրական կտրվածքով), տվյալների շտեմարանների աշխատանքի մոնիթորինգ, անհրաժեշտության դեպքում տվյալների շտեմարանների վերականգնում պահուստային պատճեններից:</p> <p>17. Պատվիրատուի պահանջով Համակարգի տվյալների շտեմարաններից հաշվետվությունների ստացում և անհրաժեշտ տեղեկատվության տրամադրում:</p> <p>18. Պատվիրատուի պահանջով Պատվիրատուի տրամադրված տվյալների ասինսններում Համակարգի տվյալների շտեմարաններում փոփոխությունների և (կամ) լրացումների իրականացում:</p> <p>19. Պատվիրատուի կողմից ծրագրային փոփոխության կամ լրանշակման առաջարկ ստանալու պարագայում Կատարողը անհրաժեշտության դեպքում այն քննարկում է Պատվիրատուի հետ՝ գրավոր կամ բանավոր կարգով պարզաբանումներ ստանալու նպատակով:</p> <p>20. Համակարգում ծրագրային փոփոխություններ իրականացնելու դեպքում այն</p>	

				<p>նախ պետք է թեստավորվի կատարողի կողմից, այնուհետև տեղադրվի թեստային միջավայրում Պատվիրատուի կողմից թեստավորման համար, որից հետո, Պատվիրատուի համաձայնության դեպքում կատարողի կողմից տեղադրվի հիմնական միջավայրում:</p> <p>21. Համակարգի օգտվողների կառավարման ենթահամակարգում լրանցակալում:</p> <p>22. Համակարգում առկա էլեկտրոնային ծառայությունների (սերվիսների) անխափան աշխատանքների ապահովում, անհրաժեշտության դեպքում տարբեր մարմիններին տրամադրվող էլեկտրոնային ծառայությունների ձևափոխում և լրացում:</p> <p>23. Պատվիրատուի պահանջով Համակարգում կատարված գործողությունների վերծանումների տրամադրում:</p> <p>24. Ցուրաքանչյուր ամսվա ընթացքում Պատվիրատուի կողմից ներկայացված և կատարողի կողմից կատարված շտեմարանների փոփոխությունների արդյունքների վերաբերյալ կատարողի կողմից ներկայացվում է հաշվետվություն:</p> <p>25. Համակարգը շահագործող մասնագետների ուսուցում, ըստ պահանջի և անհրաժեշտության:</p> <p>26. Համակարգի օգտվողի ձեռնարկի և Համակարգի տեխնիկական այլ փաստաթղթերի թարմացում (ըստ պահանջի և անհրաժեշտության):</p> <p>Վերը նշված աշխատանքների ապահովումը, ծրագրային սպասարկումը և նախատեսվող բոլոր փոփոխությունների իրականացումը կատարողի կողմից պետք է ապահովվի պայմանագրի կնքման հաջորդող օրվանից:</p> <p>Իրականացված աշխատանքների ընդունում</p> <p>Սույն տեխնիկական բնութագրով նախատեսված աշխատանքների իրականացման արդյունքում յուրաքանչյուր ամսվա ընթացքում կատարված աշխատանքների վերաբերյալ կատարողը Ծառայություն է ներկայացնում հաշվետվություն՝ ուղեկցող նամակով, և տվյալ ամսվա ընթացքում ստացված արդյունքներով (անհրաժեշտության դեպքում նաև արտաքին կրիչով), իսկ աննշվող փաստաթղթերը՝ թղթային տարբերակներով:</p>
--	--	--	--	---

ՊԱՏՎԻՐԱՏՈՒ

Աղցիական ապահովության ծառայություն

ՀՀ ՀՀ 02505511

ՀՀ ՖՆ աշխատակազմի գործառնական

վարչություն

ՀՀ 90001556652



ԿԱՏԱՐՈՂ

Կրտսեր Ալեքսայան և որդիներ ՍՊԸ

ՀՀ ՀՀ 02236157

ՀՀԲ ծենցավորի մայրաճյուղ

ՀՀ 163018219838



Հավելված N 2*
 « 18 » « 06 » 2019թ. կնքված
 «ԱՍԾ ՄԱԾՁԲ-19/11» ծածկագրով պայմանագրի

ԿՃԱՐՄԱՆ ԺԱՄԱՆԱԿԱՑՈՒՅՑ*


ՀՀ դրամ

h/h	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPY)	անվանումը	Ծառայության										Ընդամենը					
			մոխրուկ	մոխրակաթ	տնային	լվմամ	միջու	հոկու	հոկու	ստոսոս	սեպտեմբեր	հոկտեմբեր		նոյեմբեր	դեկտեմբեր			
1.	72261160-10	ծրագրային ապահովման սպասարկման ծառայություններ	-	-	-	-	-	-	16800000	26800000	26800000	26800000	26800000	40000000	40000000	40000000	40000000	40000000

/Կճարման ենթակա գումարները ներկայացվում են ածողական կարգով.

ՊԱՏՎԻՐԱՏՈՒ

Սոցիալական ապահովության ծառայություն
 ՀՎՀՀ 02505511
 ՀՀ ՖՆ աշխատակազմի գործառնական վարչություն
 Հ/Հ 900011556652



ԿԱՏԱՐՈՂ

Կրտսեր Ալեքսանյան և որդիներ ՍՄԸ
 ՀՎՀՀ 02236157
 ՀԷԲ Շենգավիթի մասնաճյուղ
 Հ/Հ 163018219838



Հավելված 3
« 28 » 06 2019թ. կնքված
«ՄԱԾ ՄԱԾՁԲ-19/11» ծածկագրով պայմանագրի

Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

**ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N ____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

Հավելված 3.1
«28» 06 2019թ. կնքված
«ՍԱԾ ՄԱԾԶԲ-19/11» ծածկագրով պայմանագրի

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը

գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն